

Medi-Cal-ը Միացյալ Նահանգների քաղաքացիներից եւ քաղաքացի դարձած անձանցից պահաջում է քաղաքացիության եւ ինքնության մասին ապացույց

Նոր օրենքն ասում է՝ Medi-Cal-ի դիմողների կամ ստացողների մեծամասնությունը, որ Միացյալ Նահանգների քաղաքացի է կամ քաղաքացի դարձած անձ, պարտավոր է քաղաքացիության եւ ինքնության մասին ապացույց ներկայացնել: Այս օրենքը կազդի ձեր երեխայի վրա եւս: Հավելյալ տեղեկությունների համար կարդացեք ներքեւում:

Եթե ձեր երեխան Միացյալ Նահանգների քաղաքացի կամ քաղաքացի դարձած անձ չէ, այս օրենքը ձեզ համար ի զորու չէ:

Նոր օրենքը կարող է ազդել ձեր երեխայի Medi-Cal-ի նպաստների վրա:

Եթե ձեր երեխան ներկայիս Medi-Cal ունի, նպաստները կշարունակվեն այնքան ժամանակ, քանի դեռ երեխան համապատասխանում է իրավասու լինելու բոլոր մյուս պահանջներին եւ ապացույց ներկայացնելու ընդունելի ջանք եք ցուցաբերում:

Եթե ձեր երեխան դիմում է CHDP Gateway-ի, School Lunch Program-ի կամ Healthy Families/Medi-Cal համատեղ դիմումագրի միջոցով, ապա դուք պարտավոր չեք ապացույց ներկայացնել, քանի դեռ ձեր քաունթիի սոցիալական ծառայությունների գրասենյակը դա ձեզանից չի պահանջել:

Որոշ երեխաներ պարտավոր չեն քաղաքացիության եւ ինքնության մասին ապացույց ներկայացնել, ներառյալ՝

- Որեւէ անձ, որն ունի
 - Ապահովագրության եկամուտ (Supplemental Security Income, SSI) (Անցյալ կամ ներկա)
 - Լրացուցիչ Medicare
 - Սոցիալական Ապահովության Հաշմանդամության ապահովագրություն (Social Security Disability Insurance, SSDI)
 - Սոցիալական Ապահովության Հանգստյան եւ Վերապրողների ապահովագրություն (Social Security Retirement and Survivors Insurance, RSI - Title II), համապատասխան իրենց անձնական Հաշմանդամության
- 21 տարեկանից փոքր որեւէ անձ, որը դիմում է Անչափահասների Խորհրդի Ծառայություններին (Minor Consent Services)
- Medi-Cal ունեցող կանանցից ծնված նորածինները
- Որբանոցում գտնվող (Children in Foster) կամ Որդեգրման ընթացքի (Adoption Assistance) մեջ գտնվող կամ Kin-GAP ունեցող երեխաները
- Լքված նորածինների ծրագրում (Abandoned Baby Program) գտնվող նորածինները
- CalWORKs-ի նպաստառուները

Ի՞նչ՝ եթե իմ երեխան Միացյալ Նահանգների քաղաքացի չէ:

Եթե ձեր երեխան Միացյալ Նահանգների քաղաքացի կամ քաղաքացի դարձած անձ չէ, դուք պարտավոր եք ներկայացնել միայն այն նույն փաստաթղթերը, որոնք ձեզանից պահանջվում էին նախապես: Ոչինչ չի փոխվել:

Ի՞նչ՝ եթե իմ երեխան Միացյալ Նահանգների քաղաքացի դարձած անձ է:

Միացյալ Նահանգների քաղաքացի դարձած անձերը պարտավոր են քաղաքացիության եւ ինքնության մասին ապացույց ներկայացնել: Միացյալ Նահանգների քաղաքացի դարձած անձանց մէջ մտնում են Ամերիկյան Սամոայի (American Samoa) մեջ ծնված մարդիկ (ներառյալ Սվեյնզ կղզիները (Swains Island)) եւ որոշ մարդիկ Հյուսիսային Մարիանա կղզիների Հասարակապետությունից (Commonwealth of the Northern Mariana Islands):

Ինչպե՞ս կարող է իմ երեխան քաղաքացիության մասին ապացույց ձեռք բերել:

Եթե դուք դիմելու ժամանակ ապացույց չունեք, այնուամենայնիվ հղեցեք ձեր դիմումագիրը, իսկ ապացույցն ապահովեք, երբ որ կարողանաք: Եթե դուք տարեկան վերահաստատման ժամանակ ապացույցը չունենաք եւ լրացուցիչ ժամանակի կարիք ունենաք, տեղեկացրեք ձեր հարցով պատասխանատու աշխատակցին:

Ինչպե՞ս կարող է իմ երեխան քաղաքացիության մասին ապացույց ձեռք բերել:

Եթե ձեր երեխան ծնվել է Կալիֆորնիայում, քաունթիի կարող է ծննդյան գրանցում պահանջել: (Ծննդյան արձանագրությունը ապացույց է քաղաքացիության մասին):

Նախքան ծննդյան վկայականի համար վճարելը կապվեք ձեր քաունթիի հետ, իմանալու համար, եթե նրանք Կալիֆորնիայի համապատասխան ծննդյան գրանցում գտել են ձեր երեխայի համար:

Կալիֆորնիայի Ծննդյան գրանցամատյանի խնդրագրի ձեւ լրացրեք: Հետո փոստով ուղարկեք կամ անձամբ տարեք այն ձեր տեղական Սոցիալական ապահովության ծառայության գրասենյակ: Եթե ծննդյան արձանագրություն չի գտնվում, դուք պետք է ներկայացնեք քաղաքացիության մասին մեկ այլ ապացույց:

Եթե ձեր երեխան չի ծնվել Կալիֆորնիայում, դիմեք ձեր քաունթիի սոցիալական ծառայությունների գրասենյակ՝ ապացույց ստանալու համար:

Արդյո՞ք ինքնության մասին ապացույցը դեռեւս պահանջվում է:

Եթե ձեր երեխան 16 տարեկանից փոքր է, եւ դուք լրացրել եւ ստորագրել եք ձեր երեխայի ծննդյան վայրով եւ ամսաթվով Medi-Cal-ի դիմումագիրը կամ Healthy Families/Medi-Cal համատեղ դիմումագիրը, ապա դուք ինքնության մասին ապացույց ներկայացնելու կարիք չունեք: (Ստորագրված այս դիմումագիրը ձեր երեխայի ինքնության մասին ապացույց է):

Եթե ձեր երեխան 16 տարեկանից մեծ է, ապա դուք պետք է ձեր երեխայի համար ներկայացնեք քաղաքացիության եւ ինքնության մասին զույգ ապացույց: Լավագույն ձեւը հետեւյալ փաստաթղթերից մեկը ներկայացնելն է:

- Միացյալ Նահանգների առանց սահմանափակման տրված անձնագիր (ժամկետանցներն ընդունվում են) կամ
- Քաղաքացի դառնալու մասին վկայական (N-550 կամ N-570) կամ
- Միացյալ Նահանգների Քաղաքացիության մասին վկայական (N-560 կամ N-561)

Եթե դուք այս փաստաթղթերից մեկը չունեք, ապա դուք պետք է **երկու** փաստաթուղթ ներկայացնեք՝

- Քաղաքացիության մասին մեկ փաստաթուղթ (ինչպես Ա. Մ. Ն-ի ծննդյան վկայականը) եւ
- Ինքնության մասին մեկ փաստաթուղթ (ինչպես Ա. Մ. Ն-ի նահանգներից մեկի կողմից տրված վարորդական իրավունքի վկայականը)

Եթե ձեր երեխան 18 տարեկանից փոքր է եւ դպրոցական ID կամ վարորդական վկայական չունի, ծնողը, խնամակալը կամ խնամող ազգականը կարող է երեխայի ինքնության մասին հաստատագիր ստորագրել:

Դուք **պետք է** ներկայացնեք բնագիր փաստաթղթերը կամ դրանք տվող գործակալության կողմից հաստատված պատճենը: Վերջում տեսեք ընդունելի փաստաթղթերի ցանկը:

Ի՞նչ՝ եթե ես վճարել եմ իմ երեխայի բժշկական կամ ատամնաբուժական խնամքի համար՝ մինչեւ քաղաքացիության եւ ինքնության մասին փաստաթղթերը ստանալը:

Medi-Cal-ը կվճարի ձեր ծախսերը: Ձեր հարցումների պատասխանների համար զանգահարեք Առողջապահական խնամքի Ծառայությունների Բաժանմունքի (Department of Health Care Services) օժանդակող ծառայություններին (Beneficiary Services) **(916) 403-2007** հեռախոսահամարով:

Քաղաքացիության եւ ինքնության մասին ընդունելի ապացույցներ

Միացյալ Նահանգների քաղաքացիների կամ քաղաքացի դարձած անձանց համար քաղաքացիություն եւ ինքնություն ապացուցելու ամենահեշտ միջոցը հետեւյալ փաստաթղթերից մեկն է.

- Միացյալ Նահանգների առանց սահմանափակման տրված անձնագիր (ժամկետանցներն ընդունվում են) կամ
- Քաղաքացի դառնալու մասին վկայական (N-550 կամ N-570) կամ
- Միացյալ Նահանգների Քաղաքացիության մասին վկայական (N-560 կամ N-561)

– ԿԱՍ –

Եթե դուք չունեք վերելի փաստաթղթերից որեւէ մեկը, ներկայացրե՛ք՝

Ներքեւում թվարկված քաղաքացիության մեկ փաստաթուղթ...

- ❖ Միացյալ Նահանգների Ծննդյան վկայական (Birth Certificate)
- ❖ Ծննդյան մասին տեղեկանք (Certification of Report of Birth) (DS-1350)
- ❖ Արտասահմանում Միացյալ Նահանգների քաղաքացու ծնվելու մասին տեղեկանք (Report of Birth Abroad of a U.S. Citizen) (FS-240)
- ❖ Արտաքին նախարարության տեղեկանք ծննդյան մասին (State Department Certification of Birth) (FS-545 կամ DS-1350)
- ❖ Միացյալ Նահանգների քաղաքացու անձնագիր (U.S. Citizen Identification Card) (I-197 կամ I-179)
- ❖ Ամերիկացի Զնդկացու քարտ (American Indian Card) (I-872)
- ❖ Զյուսիսային Մարիանայի քարտ (Northern Marianas Card) (I-873)
- ❖ Որդեգրման վերջնական վճիռ (Final Adoption Decree), որը ցույց կտա Միացյալ Նահանգներում ծնված մի վայր
- ❖ Միացյալ Նահանգների քաղաքացի ծնողի կողմից տրված ապացույց՝ իրենց օրինական/ֆիզիկական խնամակալության տակ գտնվող, Միացյալ Նահանգներից դուրս ծնված երեխայի որդեգրման մասին (IR-3 կամ IR-4)
- ❖ Նախքան 1976թ. հունիսի 1-ի ամսաթվով Միացյալ Նահանգների քաղաքացիական ծառայության ապացույց
- ❖ Ծննդյան վայրը ցույց տվող Միացյալ Նահանգների զինվորական ծառայության ապացույց
- ❖ Ծնունդի ժամանակ արված Միացյալ Նահանգների հիվանդանոցի արձանագրություն *†
- ❖ Կյանքի, բժշկական կամ այլ ապահովագրական արձանագրություն *†
- ❖ Ծննդյան օրվանից մինչեւ 3 ամիս ամսաթվով արձանագրված Միացյալ Նահանգների Եկեղեցական արձանագրություն, որը ցույց է տալիս Միացյալ Նահանգներում ծննդյան վայր ու ամսաթիվ կամ տարիք
- ❖ Դպրոցական վաղ գրանցում, որը ցույց է տալիս Միացյալ Նահանգներում ծննդյան վայր, ընդունելության ամսաթիվ, ծննդյան ամսաթիվ, ծնողի անուններ եւ ծննդյան վայրեր

- ❖ Դաշնային կամ նահանգային վիճակագրական արձանագրություն, որը ցույց կտա դիմորդի տարիքը եւ Միացյալ Նահանգների քաղաքացիություն կամ ծննդյան վայր
- ❖ Սենեկա-հնդկացիական (Seneca Indian) ցեղային վիճակագրական արձանագրություն *†
- ❖ Նավահո հնդկացիների գործերի բյուրոյի ցեղային վիճակագրական արձանագրություն (Bureau of Indian Affairs Navajo Indians tribal census record) *†
- ❖ Միացյալ Նահանգների նահանգային վիճակագրության բաժանմունքի ծննդյան գրանցման նշում՝ իբրեւ ներկայիս ողջ անձ (U.S. State Vital Statistics birth registration notification) *†
- ❖ Միացյալ Նահանգների քաղաքացիական ծննդյան հետաձգված գրանցում (a delayed U.S. public birth record), որ գրանցվել է անձի ծննդից 5 տարի եւ ավելի հետո) *†
- ❖ Ծննդյան պահին ներկա բժշկի կամ մանկաբարձի կողմից ստորագրված հայտարարություն *†
- ❖ Զնդկացիական գործերի բյուրոյից Ալյասկայի բնիկների մատյան *†
- ❖ Խնամքի կամ խնամքի մասնագիտացված վայրի կամ այլ կազմակերպության ընդունելության թղթեր, որոնք ցույց կտան Միացյալ Նահանգներում ծնված մի վայր *
- ❖ Բժշկական արձանագրություն (Medical record) (ոչ պատվաստումների) *†

* Պետք է թվագրված լինի նվազագույնը 5 տարի առաջ, նախքան առաջին Medi-Cal-ի դիմումնագիրը եւ ցույց տա Միացյալ Նահանգներում ծնված մի վայր:
 † 16 տարեկանից փոքր երեխաների համար պետք է արված լինի ծննդի ժամանակին մոտ:

Որքան հնարավոր է, դուք պետք է ներկայացնեք ցուցակի վերելի մասում նշված փաստաթուղթ:

Եթե դուք չեք կարող ներկայացնել քաղաքացիության այս փաստաթղթերից որեւէ մեկը...

Երկու չափահասներից խնդրեցեք լրացնել եւ ստորագրել Քաղաքացիության մասին հաստատագիր: Չափահասները երկուսն էլ պետք է ունենան ինքնության եւ Միացյալ Նահանգների քաղաքացիության մասին ապացույց, եւ նրանցից մեկը միայն կարող է ձեր ազգականը լինել:

– ԵՎ –

Ներքեւում թվարկված ինքնության մեկ փաստաթուղթ...

- ❖ Վարորդական իրավունք՝ տրված Միացյալ Նահանգների նահանգի կամ տարածքի կողմից՝ լուսանկարով կամ անձը ճշտող այլ տեղեկությամբ
- ❖ Դպրոցական ինքնության քարտ՝ լուսանկարով
- ❖ Միացյալ Նահանգների զինվորական անձնագիր կամ ստիպողական ծառայության արձանագրություն (U.S. Military I.D. card or draft record)
- ❖ Դաշնային, նահանգային կամ տեղական կառավարության ինքնության քարտ վարորդական իրավունքի նման անձը հաստատող տեղեկությամբ
- ❖ Միացյալ Նահանգների զինվորականից կախյալ լինելու ինքնության քարտ (U.S. Military dependent identification card)
- ❖ Միացյալ Նահանգների անձնագիր (U.S. passport) (սահմանափակությամբ տրված)
- ❖ Զնդկացիական Արյան Ատիճանի Վկայական (Certificate of Degree of Indian Blood) կամ այլ՝ Միացյալ Նահանգների Ամերիկյան Զնդկացիական/Ալյասկայի բնիկ ցեղային փաստաթուղթ (U.S. American Indian/Alaska Native Tribal document)
- ❖ Միացյալ Նահանգների Ծովային սահմանապահ ուժերի առեւտրական-ծովային քարտ (U.S. Coast Guard Merchant Mariner Card)
- ❖ Եթեք կամ ավելի հաստատող տիպի փաստաթղթեր, ինչպես աշխատանքային ID քարտ, high school-ի կամ քոլեջի վկայական, ամուսնության վկայական, ամուսնալուծության վճիռ, ինչպես նաեւ կալվածի վավերագրեր/սեփականաթղթեր

- ❖ 16 տարեկանից փոքր երեխայի համար կլինիկայի, բժշկի կամ հիվանդանոցի արձանագրություններ
 - ❖ 16 տարեկանից փոքր երեխայի համար դպրոցի, մանկամտուրի կամ ցերեկային խնամքի գրանցումներ, ներառյալ տեղեկանքներ: Քառնթին կստուգի դպրոցի հետ:
 - ❖ Հաստատագիր ստորագրված տնօրենի կամ կառավարչի կողմից բնակարանային խնամքի վայրում ապրող հաշմանդամների համար
- 16 տարեկանից փոքր երեխայի համար**, որը չունի քաղաքացիության մասին հաստատագիր, դուք կարող եք ներկայացնել՝
- ❖ Ծննդյան վայրը եւ ամսաթիվը ցույց տվող երեխայի ինքնության մասին հաստատագիր՝ ստորագրված երեխայի ծնողի, խնամակալի կամ խնամող ազգականի կողմից:
 - ❖ Medi-Cal կամ Healthy Families/Medi-Cal միացյալ դիմումնագիր, որը ցույց կտա երեխայի ծննդյան թիվը եւ վայրը եւ որը ստորագրված կլինի երեխայի ծնողի, խնամակալի կամ խնամող ազգականի կողմից:

18 տարեկանից փոքր երեխայի համար կարելի է օգտագործել երեխայի ինքնության մասին հաստատագիր՝ ստորագրված երեխայի ծնողի, խնամակալի կամ խնամող ազգականի կողմից, եթե դպրոցական ID քարտ կամ վարորդական իրավունք տրամադրելի չեն:

Նշում. Ինքնության ժամկետանց փաստաթղթերը ինքնության ընդունելի ապացույցներ են: